



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакълай 95-сса шин.

12+

«ЗАРЯ»

Нюжмар

16 март

2018 ш.

№ 13

gazetazary@mail.ru

Сайт: zaria-online.ru

Дагъусттан Республикалул БувчIавурттал комиссиялул Председательнал жагъилсса избирательтурайнсса Оьвчаву

ХIурмат бусса жагъилсса избирательрал!
Мартрал 18ний Аьрасатнал Федерациялул Президент увчIин чIурду буллантIий бур. Жунма цинянан багълай бур жула паччахI-лугъ гихуннай лядуккан данма язиугъан. Му даву дан аьркинни хьинну пикри бувну, кIуш-шилул лавсун.

Жула республикалий сакин дурну дуссар избирательтал чIурду булавриву гьуртту хьунсса циняр шартIру.

Гьарца избирательнал гражданшиврул бурж - бувчIавурттал участокрайн увкIун, цала чIу лайкъсса кандидатнахлу булавури. Хаснува агъамссар чIу булаву, агар зу Аьрасатнал Федерациялул Конституциялин бувну, бувчIаву гьуртту хьунсса ихтияр цалчин ларсун духьурча. Дагъусттаннай му ихтияр 2018 шинал мартрал 18ний ишла дантIий дур 12 азаллий 500 жагъилсса избирательнал. Миннаяту гьарцаннал чIу агъамсса, масъала ца чулухун бутлатисса хьун бюхъ-айссар.

БувчIавурттаву гьуртту шаву - му гражда-ниншиву камил шаврил ва билаятрай пачча-хIлугърал власть сакин даврил жаваблущин цала хъачIунттайн ласун хIадуршиврул ккак-кияри. БувчIавурттал участокрай цала кIуш-шилийну чIу булунма язиувгусса жагъил-сса инсаннал ххуллу - му цахлува хIукму бан цама къаитайсса инсаннал ххуллури.

Жува яхъанай буру дуняллий хъхьичIун-мурну хьун ччисса билаятрай. Му билаятран-гу аьркинну бур гуж бусса, дурккусса, жаваб-лущин дусса, цала ихтиярду кIулсса ва ми дуруччин бюхъайсса инсантал.

ЧIатIий ура жагъилсса избирательтуран бувчIавурттаву чялишну гьуртту хьун. Жагъ-илминнахъ ихтияр дуссар ва миннаца бюхъ-айссар цала ялун бучIантIимур ва Аьрасат-нал ялун бучIантIимур личIи бан.

ХIурматрашал,

М.Т.Дибиров, Дагъусттан Республика-лул бувчIавурттал комиссиялул Председатель.

8 мартрал байран

Шадлугъу, балайрдугу - Хъунклубраву

ХъхьичIми шиннардий кунна, гъашиногоу райондалий шадлугърал тагъарданилу ларгунни ниттихъал байран - 8 мартрал кьинилул давуртту. Гьарца коллективирдаву барча буллаи бия цацала зузисса хъами, душру.



нул бакIчи **Юсуп МахIаммадовлул.**

Хъирив район-далий гьарцагу за-хIматрал коллек-тивраву ххуйну зу-зисса ца-ца хъами-тайпалун, душва-ран Юсуплул тапшур дунни райадминистра-циялул чу-лухасса хIур-матрал грамо-тартту, тIутI-ив.

Хъирив най дия рай-ондалул куль-туралул зузалт-рал ххуйну хIадур дурсса концертрал

программа. Тамашачиту-рап гурсса хъатру риршун-ни фанера дакъа тIутIис-са балайрдал гъавас був-тун, маданиятрал школа-луву вардиш хъанахъи-миннал паргалсса къавтI-

аурттан, шагърулия бувкIсса ва жула райондалийсса балай-читурал, миллатрал инстру-ментирттай макъанну дуцул-трал хIурматран.

Концерт хIадур дурну дия хъаннил байрандалуцIун дар-къуну, Гъумукссагу, шархъай-ссагу культуралул зузалт хIа-ла бувххун, цIу-цIулсса балай-рдал авадан дуллаи.

(Жул корр.)

БувчIавуртту 2018

ЛичIлулшиву дуруччара!

Жунма кIулсса куцуй, 2018 шинал матрал 18ний жула райондалийгу хьунтI-ий дур Аьрасатнал Прези-дент увчIлачIисса бувчIа-вуртту. Ва иширацIун бавхI-уну тIул дакъашивуртту дав-рил тагъар даххана хъанан дикIай, чансса паракъат шаву ишла дурну, чIявусса халкъ бавтIусса кIанттурдай терак-тру дурсса ишру хъуссар. Ци-ци ишру хъуссарив тикрал къабулланна, ми жунма тач-Iав хъама къабитайссар.



БувчIавуртту, миннуйнс-са хIадуршинна наниссаксса хIаллай общественно-по-литическая обстановка, терактру, диверсияртту дансса ни-гъачIаву ялу-ялун гуж хъанан дикIай. Диндалул экстре-мистурал чул бувгъусса инсантал жула республикалийгу чансса бакъар, мунияту цинянан кунма, жунмагу хъин-ну личIлулну бикIан багълай бур. Виваллил иширтталс-са байсса зузалтран къянкъану баян бувссар бувчIавурт-тал гъантрай гьарцагу кIул акъасса, ягу щак бусса инсан-тал ххал буллалаяра, хъирив лаяра, куну.

Цал уттигу баян бан ччай бур агъалинайн: личIлулну бикIяра, мугъаятшиву дуруччара! Хъунмасса умуд бур идарарттай каялушиву дуллалиминнал бикIу, жамятрал бикIу терактру ва цайми тIул дакъашивуртту хьун къа-дитансса, личIлулшиврул ххуллурду ласанссар тIисса. Щак бусса инсан ухъурча, идаралуву ягу чув дунугу щак бусса къай-къуй лякъирча, ягу къакIулсса автомашина ба-цIан бувну бухъурча, зува цукунчIавсса ххуллу къалав-сун, баян баву дан аьркинссар Виваллил иширтталсса бай органнал дежурный частьрайн. Тел: 2-42-07, ягу цIуну дирхъусса тел.: 98-44-95.

Мукумма баян булуvara зунма щак бусса, ягу преступ-ление дан кунасса инсан ухъурча, му чулухунай къуццу тIисса ва м.ц.

М.А.Аблилов, «Лакский» отделданул полициянал майор.



Ккаккьяртту оьккисса къярхъунни

(Депутатътурал сессиялий МВДлул «Лакский» отделданул начальник Ю.Амировлул бувсса ихтилатрава.

2017 шинаву «Лакский» отделданул дачин дурну дуссия Лакрал ва Кулал районнай аьдлу-низам дуручаврил, преступлениертту хъун кьадитаврил ва дурми аьч даврил, агъалинал паракъатшиву дуручаврил цланисса давуртту.

ОВДлул зузалтрал хъуннасса къялагъас дуллалиссар экстремизм-терроризмрашчал талатаварил чулухуннай, захиматсса ва хинну захиматсса преступлениертту хъун кьадитаврил, преступниктал бугъаврил, балугъравун кьабивминнашалсса профилактикалул давуртту хъунчуннай даврил ва цаймигу жунма багъайсса бигарду ххуйну бачин баврил цланий. Мунин буну цин лархъусса ккаккьяртту хъунни жул давурттаву.

2017 шинаву Лакрал райондалий сияхйрайн ларсъсса хъунни цинярдагу 39 преступление (2016ш.-41). Миннува 37 аьч дурсса (2016ш.-38). Аьч даврил процент - 95,1. РДлий - 86,7%. 2016ш. - 92,7%.

2017 шинаву сияхйрайн ларсун дур преступлениертту:

Захиматсса ва хинну захиматсса - 6. 2016ш. - 9. Тиртлуну дур 5. 2016ш. - 4. Аьч даврил процент - 83,3. РДлий - 75,6%. 2016ш. - 66,7%. Му жулалул преступлениертту чан хъунни 33,3%рал.

Аьмсса уголовный чулухуннайсса преступлениертту хъуну дур 34. 2016ш. - 39. Аьч дурми - 32. 2016ш. - 36. Аьч даврил процент - 94,1, РДлий - 85,6%, 2016ш. - 92,3%. Ва жулалул преступлениертту килийну гъарза хъуну дур. 2017 шинаву аьч кьадурну-ра лирчлунни укунса 2 преступление. Вай дурмигу ца буссарив клул хъурчагу ми чув буссарив цалсса клул къавхъунни, хъирив лаллай буру.

Экономикалул преступлениертту хъунни 5. 2016ш. - 2. Ми циняр аьч

дурссар.

Дянивсса даражалул преступлениертту хъуну дур 17. 2016ш. - 22. Лагъсса даражалулсса - 16. 2016ш. - 10.

Хъирив лаяврил члалачи бунни преступлениертту хъушиву 14 шяраву.

Гъумук хъунни 18 преступление. Миннува - 1 полициянал зузалайн данди ацлаву. 1 - инсан хатлалий ивчлаву, 1 - банна тлий инсаннал цлулушиврун зарал биян баву, 4 - кьабагъавай ярагъ ябуллалаву, 2 - наркотик бусса задру ядаву, даххаву, 1 - увччу хъуну транспорт дачин даву, 3 - мошенничество, 1 - кьалпсса документру баву, 3 - оьрмулун заралсса хлан дахлахаву. Гъунчукуьатлул хъунни 4, Клуудив - 3, Ккурклив - 2, Хъурхъив - 2, Гъуй - 2, Кламахъалив - 1, Къубав - 1, Хъурив - 1, Ккурклив - 1, Тулизмав - 1, Шавкрав - 1, Члаяхъ - 1, Члурттахъ - 1. Яла криминал думи шяравалурду дур Гъумучи, Гъунчукуьатли.

2017ку шиинал отделданул хасъс-

са давуртту дачин дурну дуссия экстремизмалул, террорданул чулухунмай клура бавсса, миннан кумаг буллалисса, лабиклакисса инсантал клул баврил, ми бугъаврил цланий, члунчлумуй дайссия анаварсса ва профилактикалул давуртту. Мукуннасса давуртту дуллалиссару райондалия Сириянавун лавгми, террористуравн хлала бувхми клул буллаи. Клул бувссар Гъунчукуьатлусса Къушиев Жабраил Нухлул арс 1993ку шиинал увсса кумаг буллаи ивклишиву «Лакская» тлисса Дагъусттаннал террористурал ца кьюкълун. Мунал хлакьираву дачин дурну дуссар уголовный дело, дуни-яллийх баян буну буссар му угъан, клул ан аьркиншиву. Мува жулалул цаймигу инсантал ялун личин баврил даву ширирклуну дуссар. Мукунминнал маччаминнашалу дачин дурну дуссар хъирив лаяврил давуртту.

Преступлениертту дурну жула райондалин багъайсса, лабиклакисса

инсантал хъанай бур 9. Миннава 8 ур экстремизм-терроризмалул чулухуннайсса.

Миннаву бур Штанчаев Анвар, Гъунчукуьатлусса 2014ку шина шихунай угъан баян бувсса. Аьбдуллаев Сулайман, Буршайтусса, 2015ку шина шихунай угъан баян бувсса, Сайпуллаев Руслан, Кламахъалиятусса, 2015ку шина шихунай угъагъисса, Салихова Разият, Куматусса, 2015ку шина шихунмай бугъагъисса, Махлammaдов Шамил, Гъумучатусса, 2016ку шина шихунай угъагъисса, Махлammaдова Альбина, Гъумучатусса, вара члума байбихъуну бугъан ккаккан бувсса, Къурбанова Изаура, Куматусса, 2016ку шина шихунмай бугъагъисса, Къушиев Жабраил, Гъунчукуьатлусса, 2017ку шина шихунай угъагъисса.

2017ку шинаву участкардайсса по-

лициянал зузалтрал, оператив къялу-лугъру, отделданий каялушиву дайми хлала бавкъуну райондалул хъуними шяраваллаву сакин дурссар халкъунашалсса хъунабакъавуртту, бувчлин баврил давуртту.

Райондалий каялушиву дуллалиминнашал, террорданин къярщисса комиссиялул батлавурттай гъурттушин дайссар, ххалбигъайссар экстремизм-терроризмалия буручаврил масъалартту.

Жул давурттаву ца агъамсса клантту бугъагъиссар балугъравун кьабивминнал преступлениертту давринсса ххуллурду кьюкълунсса давурттал. Мунин буну члявуну дайссар школарттал дуклаки оьрчлалалсса хъунабакъавуртту, экстремизм-терроризмалия байшун бансса бувчлин баврил давуртту. Дарсирдайн къазаназисса, дарсру кьадитлатисса оьрчлалал дайсса давурттайну ми низамрайн буцин бовхъунни...

«Лакрал район» МРданул депутатътурал собраниелул хлукмурду

МВДлул «Лакрал» МОрал начальникнал 2017 шинал отделданул дурсса даврил отчет

21 февраль 2018ш. №91

«Лакрал» МОрал даврил отчетрах вичидирхъуну, РФлул МВДлул 2011 шинал августрал 30-ний чивчусса №975 амурулин буну («Аьрасатнал МВДлул кланттул органнал къялулугъирттайминнал отчетру сакин даврия ва дулаврия»)

«Лакрал район» МРданул депутатътурал собраниелул хлукму бунни:

1. Аьрасатнал МВДлул «Лакрал» МОНул начальникнал цала отделданул дурсса даврил отчет хлисавравун ласун.

2. Лакрал райондалул АТКлушчал ва шяраваллал МОрдал баклчитурашчал дахлавуртту дурну, Сириянал аьрабнал республикалий террористурал «Исламрал паччахълугъ» организациялул чулий талатавурттаву гъуртту хъанахъисса Лакрал райондалий

бувсса ва яхъанай бивклсса инсантал ялун личин бансса давурттал план дан ва ми давуртту дан.

3. Полициялул участокирттал уполномоченныйтурал шяраваллал поселениердал баклчитурашчал цачлу инсантал яхъанахъисса кьатри ххалдигъин, цайнна дагъайсса аьрщарай яхъанахъисса преступлениертту дурну, экстремист ва террорист иширттахун багъну суд бувсса, дуснакьирттава итабавкъисса инсантал, кьюлт1 хъусса къачагътурал щашарду, хъами ва цаймимачча-гъанми ялун личин баву мурадрай.

4. Лакрал райондалийсса шяраваллал МОрдал администрацияртташчал дахлавуртту дан жамьтрал низам дуручаврил ва райондалийсса шяраваллаву нигъачлаву дакъасса тагъар хласул даврил цланий.

5. Полициялул участокирттал упол-

номоченныйтурал ва балугъравун кьабувхминнал иширтталсса байсса инспектортурал дахлавуртту дан Лакрал райондалул образованиелул управлениелушчал, балугъравун кьабувхминнал преступлениертту кьадулланшиврул ва низам зия дурсса ишру хъун кьабитланшиврул. Ми иширтталсса байсса органнугу хлала дурну, райондалийсса школардай дуклакиминнашчал хъунабакъавуртту сакин дан.

6. Ххуллурдай транспортрал балапатлру къахъанансса скиншиндарал ва иширайнусса давуртту дан, ДПСрал ва ППСПлул нарядирттагъа хайр ла-

вай бан. Ххуллурдайх заназаву нигъачлаву дакъасса хъун даврил даву багъайсса даражаллий дуллан.

7. Законодауцлун кьабавкъуну наркотикру, ярагъ, ккулларду, пляк учайсса затру ишла дуллалисса преступлениерду ялун личин даврил даву чялиш дуккан дан.

8. Хлукму гужравун бухлахиссар, муний къяулбас дурсса кьинилия гихунмай ва бишун аьркинссар Лакрал райондалул сайтрайгу, Интернетравусса Лакрал райондалул информациялул «Заря-онлайн» агентстволйгу, кьамул буну 7 гъантлул мутталий.

«Лакрал район» МРданул 2018 шинал бюджетраву дахханашивуртту ва ялун ххибавуртту даврия

21 февраль 2018ш. № 92

«Лакрал район» МРданул 2018 шинал бюджетраву дахханашивуртту ва ххибавуртту даврия» тлисса проект ххалдиргъуну, муниципал райондалул депу-

татътурал собраниелул хлукму бунни:

1. «Лакрал район» МРданул администрациялун «О республиканском бюджете РД на 2018 год и плановый (Ахир 3 лаж.)

Антитеррор

Оьрч1ру къабяйкьинт1ссар, хъуними цач1уну зурча

К1улсса куцуй, кказитрал хъхьич1мур номерданий бившуну буссия цуку-цукусса масъалартту ххалбивгъуну бивк1ссарив февральданул 28ний Гьунч1укьат1рал къутандалийсса Баласма шяраву хъусса, «Лакрал район» МРданул террор-экстремизм-малин къаршисса комиссия-лий (АТКлий). Утти микку бувсса докладирттая, хъусса ихтилатирттая, жамятрал гъаз бувсса масъаларттая хъинну кут1ану чичирча, укуссса сурат ч1алай дия.

Цалчин. АТКлул бат1аву дачин дурсса райондалул бак1чи, АТКлул председател Юсуп Мах1аммадовлул буч1аврил мурадрая, ххалбигълабгисса масъаларттал агъамшивриягу к1иц1 бувну, бувсунни цуксса хъуннасса къулагъас дуллай буссарив Аьрасатнал бик1у Президентнал ва Х1укуматрал террор-экстремизм-малин къаршисса давуртту дачин даврих. Ч1ун-ч1умуй РДлул Президентнал к1анай-ма Владимир Васильев бак1чину (РДлул АТКлул председатель) шайшиву АТКлул бат1авуртту. Миккун уч1айшиву Аьрасатнал лагрудийсса АТКлул ваакил. Дагъусттаннай хъанахъиминнуй районнал бак1 читал, миннавух цувагу гьуртту шайшиву. Ва базилух мукунсса бат1аву хъушиву Къизлярдай. Террорданин к1ура баллалими бухлаглай бакъашиву, анжагъ Дагъусттанная Сириянавусса чап-

хунчитурашал уртакъну талан лавгун бушиву 2000хъул инсантал, ц1уну гъан ччимигу ялун личлай бушиву. Мунияту бац1аву дакъа шурун багълай бур цинявппа лагма лавгун террор-экстремизм-малул идеологиялин ххуллурду къукълай. Дак1нин дирчунни Лаккуя Сириянавун лавгминнал ц1ардугу ва цайми ч1умул т1алавшин дусса масъаларттугу.

Ихтилатру ялагу бунни Амсар Къажлаевлул, Малик Х1усмановлул, Явсупа Х1амзаевлул, Карашрал школалул директор Т1агьир Айгуновлул, Сангардал (К1амахъаллал къутан) школалул директор Магинора Мюртазааьлиевал, Аьлих1ажи Маврановлул, къутаннайсса райадминистрациялул зузала, Ислам Мах1аммадовлул, «Лакский» отделданул полициянал инспектор, Шакир Рамазановлул, Ури-Мукъардал шяраваллал администрациялул бак1чи, Мах1ад Штанчаевлул, Гьунч1укьат1рал шяраваллил администрациялул бак1чи, Сиражуттин Чавта-раевлул, Гьунч1укьат1рал СПКлул председатель, бат1аврий шяивк1сса Гьунч1укьат1рал жамятрал цамагу вакилнал.

Амсар Къажлаевлул, Малик Х1усмановлул, Аьлих1ажи Маврановлул оьрус мазрай бувккунни хъхьич1уннайми АТКлул бат1авурттай сайки шаллуну тикрал хъанахъисса докладру. Гъай-

гъай, мукунсса гъалгъардах вич1и дишайми, т1ут1имур лаласайми, к1иц1 лаглагимур балжину бувч1айми чансса бик1ай, вич1и дишавугу ххуйсса къашай.

Т1агьир Айгуновлул к1иц1 бувсса, Карашрал шяраву (Арусса) ц1уну увч1усса СПКлул председатель Т1агьир Къаллаевлул х1арачатрайну, цала уссил арс, спортсмен Аьвдулкариннулгу, цалагу кумаг бувну спортзал буллай бушиву т1ааьн бивзунни бавт1цириннан. Миккува Гьунч1укьат1рал жамятрал цала шяравугу спортзал бансса тавакъю бунни райадминистрациялул чулхунмай. Юсуп Мах1аммадовлул бувч1ин бунни райондалий ца Гъумук бакъа бакъашиву багъайкунсса даражалул спортзал. Миккун оьрч1ру вардиш хъанан буч1айшиву лагма щархъавагу. Райадминистрациялул Гьунч1укьат1рал къутандалий гъануц1акул ц1усса спортзал бансса арцул каша дакъашиву (къадик1айшиву). Зува х1арачат бувну спортзалданун кунма ишла бансса къатта дузал барча, миву дишинсса спортзал къай-къуйлул кумаг бант1ишиву, гъарца иширал ч1арав бац1ант1ишиву.

Мукунма, цаламиннашал жувагу ч1арав бавц1уну, бушиву Къубиял къутандалийсса спортзалгу.

Гъартасса ва хъинну бюхансса ихтилат бунни Магинора Мюртазааьлиевал:

-Шанна шинни Сангардал школалий дяхтта, ссят 2 хъуннин оьрч1ру бац1айсса лагерь т1ит1лай. Амма цаягу оьрч1-душ Гьунч1укьат1рал шярава миккун къабуч1ай, цуя-ца нитти-буттал бак1 ц1уц1аву къадай. Ххуйсса шарт1ру, дяхаьрурду, оьрч1ру итххяххансса программарду дайссар шикку.

Ларгсса шинал 6 команда гьуртту хъусса, миннавух Лаккуя дурк1ссагу, волейболданий буккултрал турнир дурссия школалий. Цуя-ца нитти-буттахъул я Гьунч1укьат1рату, я К1ундия къабук1уна шиккун. Жуч1ара дуллалисса спортрал т1урк1урдайн оьвкуну буч1ан бару дунияллул спортрал чемпионтал, олимпиадалул чемпионтал. Амма нитти-буттахъул парвагу къаучай цала оьрч1ру щипцала хъунабакълай бурих, ци дуллай бурих ххал бан. К1иц1 дурсса турнирданий жу дукангу бувну, къамул барду 300 инсан. К1амахъаллал СПКлул чулуха булунни 2 яттил х1айван, яла щилч1ав бувагу кумаг къабунни.

Ттуща ччимур даражалул чиновникнашал гъалгъа бан, багъаймур т1алав дан, масъала хъхьич1 бишин шайнут1ийри вай давурттугу хъанахъисса. Му бакъассагу, Сангардал шяраву т1ивт1уну буссар оьрч1ал садик, ххуйсса шарт1ру дусса. Тарбиячигу, 18 оьрч1гу буч1ай Тамаза-Тюбе шярава. Жула шяраваллаурих цала оьрч1алсса буллай цуч1ав акъассар. Шяравусса цува заллусса къатлу-ву т1ивт1уну буссар му садик, 26 оьрч1 занай ур шиккун. Лакрал шяраваллау-миннахъ т1ий бура: зула оьрч1ру шиккун гъан бара!

Явсупа Х1амзаевлул гъаз

бунни райондалий хъанахъисса жагъилтурашалсса, дуклаки оьрч1ашалсса лич1илич1исса давурттай, спортрал турнирдай къутаннал шяраваллауусса оьрч1ругу гьуртту хъанарча хъинну шаванссия т1исса масъала. Мукун хъуншиврул шилусса оьрч1ал, жагъилтурал масъалартту сукку бансса, сакиншин дансса ца бак1 дугъанма лич1и ан багъагъишиву. Жамятрал хъинчулий ккавккунни жагъилтурал бак1 дугъанма язи угъаврил х1учча, мунайхч1ин баян баван райондалий хъунт1исса иширттая ва м.ц.

Шакир Рамазановлул ва Мах1ад Штанчаевлул ихтилатру хас бунни цала-цала би-ялдаралусса администрация-рдай террор-экстремизм-малул идеологиялин къаршину дуллалисса давурттан, цач1ава хъанахъисса иширттал.

Ислам Мах1аммадовлул бувч1ин бунни закон къадуручлай цач1ава ябуллалисса ярагъ х1укуматран баххан аьркиншиву. Къабаххарча зеххит1ишиву, ялунссаннун танмих1райнгу к1унк1у ант1ишиву. Бувсунни цумцр ярагъ зана барча цуксса багъа муних булунт1иссарив ва м.ц.

Жам буллалисса ихтилат буллай Юсуп Мах1аммадовлул ялагу ч1урч1ав дунни гъарцагу мугъаятшиврул давуртту гужлан дан аьркиншиврий, хаснува Аьрасатнал Президент увч1алч1исса бувч1авурттал ппурттуву ва гъарцагу ч1умал.

АТКлул бат1аву хъунни аьхусса, итгату-итгавсса ихтилатирттай, буруккинругу, дан аьркинмургу гъарцаннан цайннагу дагъайшиву мук1руну ва м.ц.

М.МУСАЛAEВ.

(Дайдихъу 2 лаж.)

период 2019-2020 года» т1исса закондалин, му зааконодалуц1унсса №17 приложениелин бувну ххи дан Гъумук школа бансса харжлугъ 33851,5 азара къурушрал.

2. «Лакрал район» МРданул администрациялун (ЗАГС) ва журалул арцул харжлугъ чан дурну:

122(212) - 5,0 азара къурушрал.

244(310) - 12,5 азара къурушрал, ва журалул харжлугърал арцу ч1ару дан:

244(340) - 17,5 азара къурушрал.

3. Шяраваллил хозяйстволул ва экономикалул отделданун 244(340)

журалул харжлугъ 25,0 азара къурушрал чан дурну, 122(222) журалул харжлугъ 25,0 азара къурушрал ххи дан.

4. «Образованиелул управление» МКУ-ран 244(310) журалул харжлугъ 50,0 азара къурушрал чан дурну, «Гъумучиял СОШ» МКОУ-лул 244(226) журалул харжлугъ 50,0 къурушрал ххи дан.

5. «Лакрал район» МРданул администрациялун аппаратрансса арцул 244(226) журалул харжлугъ 200,0 азара къурушрал чан дурну, аппаратрансса арцул 242(226) журалул харжлугъ ххи дан 200.къ.

«Лакрал район» МРданул контрольно-счетный палаталул председательная

21 февраль 2018ш. №93

«ОБ общих прнципах организации и деятельности контрольно-счетных органов субъектов Российской Федерации и муниципальных организаций» т1исса, 2011 шинал февральданул 7-ний къамул дурсса №6-ф3 Федерациялул законодалингу, «Лакрал район» МРданул Уставрал 37-мур статьялингу, «О контрольно-счетной палате МР «Лакский район» т1исса Положениелингу бувну,

«Лакрал район» МРданул депутатътурал собраниелул **х1укму бунни:**

1. «Лакрал район» МРданул контрольно-счетный палаталул председателна кьуллугърай итан **Куччаев Х1усайн Камиллул арс.**

2. Мунашал къут1и дан муниципалитетрал кьуллугърай зун итайсса яла хъунмур оьрмулул шиннавун иянинн-сса ч1умуйсса.

3. Ва х1укму бишун райондалул «Хяхххабаргъ» кказитрай.

Депутатътурал собраниелул ва «Лакрал район» МРданул администрациялул сакиншиндарая

21 февраль 2018ш. №94

«Об утверждении Нормативных требований по формированию структуры аппаратов органов местного самоуправления муниципальных образований Республики Дагестан и Методики расчета нормативов формирования расходов на содержание органов местного самоуправления муниципальных образований Республики Дагестан» т1исса Дагъусттан Республикалул Х1укуматрал 2014 шинал июньдалул 27-ний бувсса №295 х1ук-

мулин бувну, «Лакрал район» МРданул депутатътурал собраниелул **х1укму бунни:**

1. Депутатътурал собраниелул ва «Лакрал район» МРданул администрациялул сакиншинна ц1акъ дан.

2. «Лакрал район» МРданул депутатътурал собраниелул 2017 шинал апрельданул 27-ний бувсса №70 х1укму гужрава бувкшиврун ккалли бан.

3. Ва х1укму бишун райондалул «Хяхххабаргъ» кказитрай ва Лакрал райондалул сайтрай.

Муниципал райондалул вакилшинналул органдалулун мунива лавгманан к1анай депутат утаврия

21 февраль 2018ш. №95

«Лакрал район» МРданул депутатътурал собраниелул председатель Ш.Х1.-А.Щурпаевлул ихтилатрах вич1идирхъуну ва му ххалбивгъуну, «Лакрал район» МРданул депутатътурал собраниелул **х1укму бунни:**

Шяраваллал поселениердал вакилшинналул органдалул депутат Къурба-

нов Арсен Х1асаннул арс, 1981 шинал июньдалул 7-ний увсса утан муниципал райондалул вакилшинналул органдалулун, мунива лавгсса Х1ажиев Аскандар Магъдил арснан к1анай.

Ш.Х1.-А.ЩУРПAEВ, Собраниелул председатель.

Ю.Х1.Мах1аммадов, «Лакрал район» МРданул бак1чи.

Учредитель:
Администрация
МР «Лакский
район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный
секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М-Р. Абакаров

Адрес редакции, издателя:
368360
Республика Дагестан
Лакский район
с. Кумух
Ул. Сурхайхана -1, 96

Газета набрана
и сверстана на компью-
терной базе редакции
газеты «Заря» и
отпеча-
та-
на в ГАУРД «Издатель-
ский дом» «Дагестан»
Адрес:
г. Махачкала
Пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 752 экз.
Цена свободная.

Газета зарегистрирована
Управлением
Федеральной службы по
надзору в сфере связи,
информационных
технологий и массовых
коммуникаций по
Республике Дагестан
от 22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения ав-
торов, которые несут
ответственность за
достоверность о объ-
ективность представ-
ленных для публика-
ции материалов.

Ца дан лайкьма

Заннала увсса учитель

На Гъумучиял школалий дуклакисса члумал микку зий биклайва цала дарсирдал хьхьичлунсса учительтал, цаягу дарс лахьхьин дан къаччисса, даву ххуйну къакл-улсса къаиклайва. Цуллу баннав сагъми, аьпа баннав жуятува лавгминнал.

Амма миннав бия ляли-члиссагу, оьруснай тлийкун, «Учитель от бога». Микку цалчинмур ххуттавуману ккалли ан бучлия чларысса шиннардий Гъумучиял шко-лалий математикалул дарс дихьлай ивклсса, **Маммаев Нураттин МахIаммадович**. Му ия жагьилсса учи-тель, жул классрай каялу-шиву дуллау уссия 10мур классравун иянин. Члун ларгун, утти та члумал бив-клмур даклнин багъайхту члалан биклай, цума цукун-сса ивклсарив.

Нураттин МахIаммадович-лул хьинну гьирарай, шавкъ дутанну дарс дурчлн дайва. Доскалий дурсса чертежирда-ха, уравниердаха бачлвасса кланувагу къаличлайва. Де-журныйнал доска лишин, ацци атил дан гьан увну члал хъанай ухьурча, цала каних лиххан дурну, цлунилгу чичлай улукъ-айва. Дурчлн дуллалисса дарс къуртал хьуннин звонок би-щурча, «ОьрчIув, перемена-гу жуллар, щябикли, звонок зун бакъарча ттунни бищайс-са», - тлий, дарс дурчлн къа-дурну къадитайва.

Жул классраву тамансса оьрчIру бия математикалул хьинну итххьавхсса, учитель-нал зумух ласуннин, цаламур заданиегу дурну, махьминнан-гу кумаг байсса.

Дарсру лахьхьайсса оьрч-

Iру Нураттин МахIаммадо-вичлун хьиннува ххирая. Миннавух бия (аьпа баннав) Амирханов Аьлил (Къажлахъ-ал), мусил медаль ларсэсса; Билалов Оьмари (Ккилахъал); Чалавихъал Халункачар (аьпа баннав); цлана сагъсса Дама-данова Занни, Актау шагьру-лий ялапар хъаныхьисса; Ах-Iаматов Камил, Нальчик шагь-рулий ялапар хъаныхьисса, ишбажаранчи ва цайми. Жул класс хьинну кувнашал кув бавкъусса буссия, мугу клас-срай каялушиву дуллалиманал биялари.

На математикалул хьхьич-лун ливчусса къаивклнугу, мукьра бувчIавурттай Гъуму-чиял шяраваллил бакI дургъ-уману увчлунна. Микккугу Нураттиннул та члумалсса тарбиялул бутIа буссар.

Дуклакисса члумал аьпа биву личлийну рязийну къаив-клнугу, армиялия учIайхту ттуцава шайсса хIурмат-иззат бувссар.

Ттуярва хьхьичI кказитрай макъаларду чирчуминнашалгу акълай ура. Гъумучиял школа-лун Нураттин МахIаммадо-вичлул цIа дизан, мунишала оьрмулукун цува ялапар хъа-най ивклсса клчIираваллин-гу мунал цIа дизан лайкъри.

1971ку шинал Гъумучиял школалия ита бавкъусса вы-пускниктурал цIания **Апанин Макъаев**.

Культура

Баргъ пиш тлий бия хъаннин

Гъумук оьрчIал библио-текалий хьунни Хъаннил къинилун хас дурсса шад-лугьрал батIа-ву: «Баргъ пиш тлий бур зун».

Ва батIаврийн оьвкуну бия шя-раваллавусса библиотекрттал ва КДЦрдал зузалт-райну. БавтIуми байрамра шал барча бувна рай-ондалул библио-текалул зузалт **ПатIимат ЛухI-уевал** ва **Анже-ла Ибрагьимо-вал**.

Хъаннил бай-рамрайн бувклими шадлугьрашал барча бувна, му-кунма, Гъумучи-ял школалий 7-мур классраву дуклакисса **Али-на Рашкъуевал** ва **ХIалимат**

Къарнаевал. Вайннал хьирив Гъумучиял ва ГъунчIукъатI-рал школардай дуклакисса

Щурпаева Миясат Нажмуттиннул душ

Ва дуняллия лав-гунни пагъму бусса шаэр, прозаик ва публи-цист **М.Н.Щурпаева**.

Бувну бур Гъумучиял колхозрал председате-лю ивклсса цIа дурксса Нажмуттин Щурпаевлул кулпатраву.

1956 шинал къуртал бувну бур Гъумучиял дя-нивмур даражалул школа. 1962 шинал бувккуну бур Дагъусттаннал паччахI-лугьрал университет.

Назмурду чичлай бай-бивхьун бур школалий дуклакисса члумала. 1955 шинал гьуртту хьуну бур Дагъусттаннал жагьилсса чичултрал со-вещаниелий. Махъ зий бивклун бур «Илчи» ва «Дагес-танская правда» кказитирттал редакциярдай.

1992 шинал хьуну бур Аьрасатнал чичултрал Сою-зал член.

1970-ку шиннардий ванил итабавкъун бур шеърирдал жужру «Счастье в меру» ва «Беспокойное сердце». Му-кунма, ванил чивчусса шеърирду бившун бур лакку маз-рай ва оьрус мазрай итабавкъусса цачлун бувсса луттир-дай.

М.Щурпаевал итабавкъун бур мукумма художествен-ный прозалул луттирду: «Рассказы» (1978ш.), «На годе-кане предков» (1980ш.), «Судьбы отцов» (1987ш.), «Ле-генды и были Кази-Кумуха» (1993ш.), «Рассказы стари-ны» (1997ш.), «Совесть предков» (2007ш.), «Дараччи» (2009, 2011ш.), «Предания старины глубокой» (2012ш.).

Уттигьанну, 2017 шинал Дагъусттаннай итабавкъун-ни ванил махъа-махъсса шеърирдал лу «Серебряный пояс».

1993 шинал М.Щурпаеван дуллуссар «Дагъусттаннал культуралул лайкъ хьусса зузала» тIисса цIа.

Аллагъ ванил бунагьирттал ялтту учIаннав! Алжанну-вун багъан нясив баннав!



оьрчIал цачIу увкуна «Баргъ мудан бивтунма бикIаннав» тIисса балай. Мукумма ва ба-тIаврий оьрчIал увкуна нит-тихъан, бавахъан хас бувсса балайрду: «Бавал ххуйшиву» - шаллу бувна **Рабият Шах-щевал**, «Ниттил пиш» - шал-лу бувна хорданий, «Ниттил дакл» -увкуна **Асият МахI-аммадовал**.

Аьзизсса ниттихъан ва ба-вахъан ГъунчIукъатIрал шко-лалий дуклакисса оьрчIал

ккаккан дурна къавтIавуртту: «Китайнал душварал къавтIа-ву» ва «Дараччив». Ми хIадур дурну дия ГъунчIукъатIувсса библиотекалул заведующий **Д.Чавтаревал**. Гъумучиял школалий ялавайми класси-таву дуклкиминнал тIурча хъа-маллурашал цачIу увкуна час-тушкарду. Ахирданийгу оьрч-Iал дурккуна назмурду лакку мазрай ва оьрус мазрай.

М.Хизриева, ЦТКНРда-нул хьунмунил зам.



